

 Bijelo Polje Glavni imam u Bijelom Polju Enis Burdžović kazao je Danu da broj osoba koje su u poslednjih pet godina prešle na islam ne prelazi brojku od 20. On navodi da su konvertiti najčešće dolazili iz hrišćanskog religijskog okruženja, ali su to najčešće bili pojedinci a ne čitave porodice.

U društvu još uvijek postoji uvjerenje da je konvertit neko ko je počinio veleizdaju napuštajući vjeru svojih predaka. Prema islamu, ljudi treba da se upoznaju sa učenjima islamske vjere, a nakon toga svakom pojedincu se ostavlja sloboda izbora da vjeruje u šta želi. Prema Herijatskom pravu, muslimanom se ne smatra osoba koja je prisiljena da prihvati islam, kao ni osoba koja je prešla na islam zbog nekog sporednog interesa a ne iz vlastitog ubjeđenja. Da bi neko postao musliman, procedura je sasvim jednostavna. On će javno pred imamom i u prisustvu vjernika izgovoriti šehadet, svjedočenje da vjeruje u postojanje samo jednog Boga i priznanje da je Muhamed božiji poslanik. Budući da je pravo na vjerovanje intimna stvar svakog pojedinca, postoje i ljudi u našem okruženju koji nisu javno primili islam, već to čine tajno jer se boje kritika i javnih osuda. To je jedan od razloga zbog čega ne raspolažemo preciznim podacima koliko je ljudi primilo islam kaže Burdžović dodajući da prilikom primanja islama osoba ne mora mijenjati ime, osim ako je značenje njenog imena direktno suprotstavljeno nekom od islamskih učenja.